



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Societas Iesv.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

¹⁹
Hac rem-
pora mul-
tum excus-
ant mo-
nasteria.

Ad Secundum: Respondeo, Monasterium (qua-
lia sunt pleraque in Campinia Brabantia) hisce
temporibus videri planè eo esse in statu, vt etiam
licet possit iniire pactum (quatenus se aliquo mo-
do serueri indemne) cum Novitijs, quibus media
suppetunt, vel cum eorum parentibus, vt secum
deferant libros, vestes, utensilia cellarum, & alia
quaे necessaria, donec incorporati fuerint mona-
sterio. Si enim, vt patet ex Concilio Trid. sess. 25.
cap. 16. potest monasterium accipere, imò & exi-
gere pro victu & vestitu tempore probationis, vt
docet Suares de Simonia lib. 4.c. 17. multò magis
poterit illa iam dicta exigere quaे minoris sunt
sumptus. Confirmatur, quia passim Doctores tra-
dunt quando monasterium est pauper, vel est in
periculo cegastis propter damna vel casus impé-
dentes, posse pacisci de alimento totā vitā Reli-
gioosi necessariis; multò magis de istis minutio-
ribus.

Vnde meritè, cùm illi qui nondum audiuerunt
Philosophiam, cupiunt admitti, potest Prælatus
exigere à parentibus vt præstent sumptus tempo-
re studiorum necessarios.

²⁰
Anideò
différenda
professio.

Vtrum autem aliquantulum possit diffiri pro-
fessio, si putentur parentes facta semel professione
non soluturi quaे promiserunt, vt hac ratione in-
ducantur ad celeriorem solutionem, pato relin-
quendum iudicio Prælati: modò non sit valde
diurna ea dilatio.

Iaque sentio R.D. Prælatum tutà conscientiā
in hac recepta monasterij sui cōsuetudine pergere
possejūc nec sacris Canonibus, nec ratione natu-
rali repugnet, nec vilius simoniae sit periculum,
cùm non ob statum religiosum, sed ad aliquam
monasterij indemnitatē ita exigantur.

SOCIETAS IESV.

CASVS I.

Vtrum Violatio Regularum Societatis IESV
sit peccatum?

O Missis ijs quaे in vtramque partem dīci pos-
sent:

¹
Præcisè vt
est violatio
Regule,
non est
peccatum.

Respondeo Primò, Hanc violationem per se &
præcisè consideratam, quatenus est violatio talis
regulæ, peccatum non esse, nec mortale, nec ve-
niale. Ratio est, quia obligatio legis positiva pen-
det ex voluntate legislatoris volētis per eam sub-
ditos obligare. Atqui Auctor Regularum Socie-
tatis IESV exp̄sè explicuit nolle se vt ille ad pec-
catum obligarent: ergo per se non obligant. Tri-
buunt tamen ius Superiori imponendi pœnitentias seu afflictiones corporis eas violantibus: hæc
enim fuit mens Auctoris, & hoc modo à singulis
sunt acceptatae.

²
Est tamen
peccatum
ex alijs ca-
pitibus.

Respondeo Secundò, Quamvis regula illæ
per se vim obligandi ad peccatum non habeant,
possunt tamē ex alijs capitibus vim obligandi ha-
bere, ita vt si contra eas fiat, peccatum commit-
tatur. Primò, Ratione voti. Sic omnes illæ quaे
pertinent ad usum rerum, donationem, acceptio-
nem, commutationem &c. obligant sub peccato,
vt 24. 26. 27. Summarij. Item 7. 8. 9. 11. 17. 25.
ex Communib⁹. Usus enim vel usurpatio cuiuslibet
rei absque dependentia à voluntate Superio-
ris, peccatum est contra votum paupertatis, et si

non semper mortale, ob paruitatem materiæ.
Secundò, Potest obligare ex lege aliquius vir-
tutis. Hoc modo plurimæ obstringunt sub pec-
cato, maximè consideratā modestia, maturitate <sup>2. Ex legi
aliquius</sup> Virtutis.
& ædificatione, quam iure natura tenetur præbe-
re Religiosus Societatis, id est, talis Religionis,
quaे ad talem finem est instituta. Tales sunt ex
Summario, 6. saltem quo ad primam partem, 8.
10. 14. 16. 17. 20. 22. 28. 29. 30. 42. 43. 44.
46. 49. Item ex Communib⁹, 13. 19. 20. 21.
22. 23. 24. 28. 29. 30. 31. 32. 34. 37. 38. & si-
miles. Nam quod his contineatur, ferè totum ad
ius naturæ & legem virtutum pertinet, vt quis
deprehendet, si rem bene expendat. Idem cernit
ur in regulis plurimis particularium officiorum.

Tertiò, Potest obligare ratione peculiaris. Ex pœ-
missionis, vt 9. & 40. Summarij: omnis enim <sup>3. Ex pœ-
missione</sup> violatio pœmissionis sine iusta causa, peccatum

est.
Quartò, Ratione scandali. Hoc modo pœ-
rumpque peccatum est violatio regularum coram <sup>4. Ex sca-
ndalo.</sup>
alijs, etiamsi re vera illi non pervertantur: non
enim tantum ab omni malo tenemur abstinere se-
cundūm Apostolum, sed etiam ab omni specie
mali, & hoc propter alios. Atqui violatio regulæ
coram alijs haud dubiè speciem mali habet.

Quinto, Ratione lœsiōis disciplinæ. Pulchri- <sup>5. Ex lœsiōe
disciplinæ.</sup>
tudo enim & decus religiosæ familiæ consistit in
bona disciplina seu conformatio ne morum cum
regulis: sicut enim mirè Religionem ornat, si in
ea suis temporibus seruetur silentium, si omnia
tranquilla, omnia benè composita, si omnes sta-
tis temporibus surgant, oreant, studeant, com-
edant, corpus exercant, si morem Superioribus
gerant &c. ita è contrario illam dedecorat, si
omnia plena tumultu, strepitu, cachinnis, loca
publica immunda, si quisque surget, oret, com-
edat dum lubet, si nulla cum Superioribus con-
iunctio, nulla erga illos vel socios reuerentia.
Qui ergo violando regulas, notabiliter lœdit dis-
ciplinam, haud dubiè peccat; quia magnum Re-
ligionis bonum & ornamentum evertit, vel com-
maculat. Imò ratione huius lœsiōis violatio re-
gulae posset esse graue peccatum, si nimis inde
sequeretur grauis lœsio disciplinæ: vt cùm quis
sua libertate & laxitate alios ad laxitatem inducit.
Ob candem causam Superioris grauiter peccant,
qui suā negligentia patiuntur disciplinam collabi-
ti. Et subditī, qui nolunt se ad eam accommodare,
vel eo sunt ingenio vt non sperentur se accom-
modaturi, possunt & debent eis tanquam perniciosi
bono Societatis.

Sexto, Ratione negligentia. Ita D. Thomas
22. quest. 186. fartic. 5. ad 1. & Caietanus ibi-
dem. Idem tenent alii Doctores. Hoc in primis <sup>6. Ex ne-
gligentia.</sup>
locum habet in ijs quaे ad cultum diuinum per-
tinent: vt si quis ex corpore quodam omittat
meditationem, Sacrum, lectionem rerum spiri-
tualium, examen: etenim ille corpori, Accidet
peccatum, quod quisque vitare tenetur: similiter
si quis hæc cum tali negligentia & corpore præ-
stet. Deinde etiam id locum habet in alijs: eo-
rum enim omisso ex negligentia est peccatum: vt
si ex negligentia omittat lectionem, studium, of-
ficia charitatis &c. quia homo tenetur vt nō ope-
retur aut cesse ex tœdio laboris: quod maximè
verum est si non dentur actus indiferentes.

^{7o} Ex affectu
minus ordinato.

Septimò, Si ex libidine Regulam violarem. Ita D. Thomas suprà, id est, ex nimia cupiditate, ut exponit Cajetanus, vel alio affectu minus ordinato. Sic saepè violatur silentium, comeditur vel bibitur extra tempora, luditur, iocatur, &c: quidquid enim ex inordinato animi motu fit, peccatum est; quia est contra legem diuinam, secundum quam animus se in appetendo & fugiendo debet componere.

^{8o} Ex contemptu.

Octauò, Ratione contemptus. Ita D. Thomas suprà. Potest autem hic contemptus fieri tribus modis. Primò, Si nihil existimes Regulam, & ideo nullam curam habeas eius seruandæ. Et hoc sine dubio est graue peccatum; imò videtur mortiferum: nam ex vi votorum teneris habere propositum generale viuendi secundum Regulam; vt colligitur ex D. Thoma loco citato. Secundò, Si nolis Regulâ seruare, vt te illi vel Superioribus non subiicias; v. g. si frangas silentium, si omittas meditationem ne te Regulæ aut potestati Superioris submittas: hoc enim esse peccatum mortale non est dubitandum; nam ex vi votorum subiecisti te protestari Superioris & Regula, vt döceret Cajetanus. Differunt hi duo modi; quia aliud est non habere curam seruandi, aliud nolle amplius esse subiectum. Tertiò, Si nolis seruare Regulam, vt sic ostendas te illam vel Auctorem eius nihil pendere.

Ex his patet qua ratione violatio Regule peccatum esse possit.

Promissio seruandi regulas, nō obligat sub peccato in singulis regulis.

Dices, Videntur Regulæ omnes etiam obligare ratione promissionis; quia singuli promiserunt se illas seruatuos: quisque autem tenet seruare promissum Iure naturæ, nisi iusta causa non seruandi interueniat. Confirmatur, quia inter Religionis & Societatem initur quidam contractus reciprocus, in quo ille se tradit Religioni & promittit seruare Regulas, si Religio illum velit admittere; & vicissim Religio hac lege illum admittit: ergo tenetur bona fide id præstare ex vi contractus. Cuius signum est quod si nolit eas seruare, Religio possit illum expellere, tanquam qui fidem Religioni datam non seruarit.

Respondeo, Hæc ratio satis probat Religionum debere retinere propositum generale seruandi Regulas, & vitam suam eis conformandi: sine enim tali proposito Religio nullo modo vellet illum retinere; & si simularet se habere illud cum non habet, grauiter peccaret, quia deciperet Religionem: nam Religio hoc propositum requirit tanquam conditionem sine qua nollet illum admittere: itaque illud primariò censetur promittere. Non ramen sic promittit obseruationem singularum regularum in quovis casu. Neque Religio hoc ab illo requirit, sed solùm vt bona fide agat, & si contingat labi, non detracet penam. Itaque ratio illius generalis promissionis non videtur solidè posse probare esse peccatum in singulis violationibus; quamuis probabiliter dici possit.

Emissio votorum simpliciū ante expletum bienniū.

Titus Novius Societatis Iesu aliquos diebus vel horis ante expletum biennium emisit vota Scholasticorum. Deinde per plures annos sua vota cum cetero renouavit. Denique solemnem votorum professionem emisit.

QVÆRITVR Primò, An prima votoru emisso fuerit valida?

QVÆRITVR Secundò, Quid operata fuerit sequens illa votorum renouatio?

QVÆRITVR Tertio, An professio illa sit valida?

A D Primum: Respondeo, Si biennium probationis non sit expletum, non videtur probabile pertalia vota fieri Religiosi: quia Canone 10. Congregationis. Quinta ita statuitur, Nullo casu exerceri licet facultatem dispensandi in contrahendo biennijs patio ad hoc, vt quispiam ante expletum biennium censeatur verus Religiosus, & Scholasticus approbatus per emissu vota simplicia Scholasticorum Societatis. Biennium autem non est expletum si adhuc restent aliquot dies, imò si aliqua horæ. Computatio enim facienda de momento ad momentum, quando requiritur tempus expletum: sicut si vigesimus quartus ætatis annus nondum est expletus, sed restet vnu dies, non potes initiari Sacerdotio: similiter non valet professio in alijs Religionibus si vel vnu dies delit anno probationis, vel ætati requisita. Non negauerim tamen quin si pauca tantum hora desint, probabile sit valere.

Ilud quod adfertur de matrimonio, nullo modo est simile: quia ipsa Iura expressè statuant matitiam ibi postea supplere atatem.

Ad Secundum: Respondeo, Ad ratificanda talia vota Scholasticorum ante expletum biennium facta, sufficit vt sciens vel dubitans de illorum validitate intendat in proxima renouatione illa ratificare. Nec opus est Superiorem esse concium, aut eum secundò admitti.

Ad Tertium: Respondeo, Professio, si secuta sit ex errore, quod putaret se teneri votis Scholasticorum ante biennium expletum emissis, videtur irrita. Quia actus, cui error dat causam, est irritus, præsertim qui versatur circa totum actum, eiusq; substantiam. Si autem non ex illo errore, sed sponte faciat, quia per se placet, ita vt error non sit eius causa, valet.

Vide similem Cafum suprà V. Professio Religiosa inalida, Casu 3. & 4.

CASVS III.

Votum simplex Scholasticorum possit eos facere Religiosos, cum non admittatur à Societate. Non enim offertur homini, nec ab homine admittitur, sed soli Deo, vt Religio habetur in Constit. p. 5. c. 4. 6. in declarat, littera D, ubi sic dicitur: Ut hoc votum soli Deo offertur & non homini, ita nemo id admittit: propterea in nullius manibus id fieri dicitur. Admissio tamen est omnino necessaria vt quis fiat Religiosus: vt pañim Doctores.

R Espondeo, Votum Scholasticorum dupliciter considerari posse. Primò, vt est votum seu promissio. Secundò, vt est formula quadam habens vim tradendi se in ius & corpus Religionis, quā vim habet ex ordinatione & intentione Societatis ab Ecclesia approbatæ, & ex intentione ipsius votantis, qui per illa vota transacto biennio sic facta coram Superiore, se intendit in ius Religionis

10
Dupliciter potest spectari votis.

^{2. VI non}
admittitur
^{ab homine.}

Religionis tradere, vt fiat verè membrum illius, illique subiectus.

Si primo modo votum Scholasticorum spectatur, sic non admittitur ab homine, id est, non acceptatur: quia nemo potest acceptare promissionem quæ ipsi non fit, sed alteri. Itaque cùm soli Deo h̄c fiat promissio, non homini; rectè dicitur non admitti, id est, non acceptari ab homine. Secūs est in professione, & in voto Coadiutorū formatorum; quia in illis non soli Deo, sed etiam homini fit promissio, vt patet ex formulâ.

¹¹
2. Vt admit-
tiunt ab
homine.

Per talēm
traditionē
fi: verè
Religiosus.

Si vero secundo modo spectetur, sic admittitur ab homine. Quia ipse voulens intendit se per illam formulam voulendi tradere in ius Religionis, & eius fieri membrum; & Superior illum intendit admittere, & Religioni incorporare, licet non omnino complete. Itaque est aquituatione in voice admissionis. Hinc sequitur Superioris & Societatem ius habere in Scholasticis, non ex vi promissionis ipsis facte in votorum formula, sed ex vi traditionis, qua se per eandem formulam interderunt tradere in corpus Religionis, eam traditionem acceptante Superiori. Neque id mirum videri debet: quia perfectio Religionis non postulat ut aliqua promissio fiat homini; sed solum requirit ut promissio fiat Deo, quod homini, tanquam locum Dei tenenti obedies, & in omnibus ab ipso dependebis. Potest itaque Ecclesia statuere vt per talēm promissionem fiat quis verè Religiosus, si per eam intendat se tradere in ius certe Religionis, & Superior illius Religionis eum intendat admittere & incorporare illi Religioni.

CASVS IV.

In Compendio Priuilegiorum V. Eucharistia §. 4. dicitur: Possunt nostri, in nostris Ecclesijs ministrare, ac ministrari facere Sacramentum Eucharistiae quibuscumq; personis, quoties opus fuerit.

QVÆRITVR, An Nostri per externos Sacerdotes posint id facere?

¹²

R Espondeo, Affirmatiuē. Primō, quia aliqui ibi esset incepta eiusdem repetitio. Secundō, quia non distingueretur à §. 3. idem enim diceretur. Tertiō, quia est beneficium Principis concessum in bonum alicuius communitatis, nemini præjudicans, ac proinde amplè interpretandum. Quod nemini præjudicet, patet ex D. Thoma opusculo contra Impugnantes Relig. c. 4. col. penult. Quod itaque amplè interpretandum, patet ex communi sententia Doctorum in Cap. Olim, de Verborum significatione, Oldrado Consil. 300.

Quomodo intelligendum sit Priuilegium de Eucaristia distribuenda tempore Paschali & die Resurrectionis Domini, vide quæ dicta sunt in 3. p. q. 82. a. 3. num. 12.

Schola
Societatis
Iesu

Vtrum Schola Societatis IESV obfit bono
publico, vel etiam Vniuersitatibus?

¹³
Argumen-
ta adver-
sariorum.

V Idem possunt alicui obesse. Primō, Quia per eas fit vt Professores Vniuersitatibus habeant pauciores discipulos, multis ad scholas Societatis

confuentibus: quod fit vt parū animentur ad studia, & Vniuersitates deſtituantur eruditis Professoribus.

Secundō, Quia didactra & emolumenta Magistrorum minuantur, dum in scholis Societatis gratis docetur.

Tertiō, Ad honorem & splendorem Principis pertinet, vt eius Professores doctrinā, famā, & numero discipulorum sint maximē celebres.

Quartō, Per scholas Societatis fit vt optimā quęque ingenia se ad illum Ordinem conferant, praesertim ex Philosophia: & ita pro ministerijs Ecclesijs & Reipub. mediocria vel tenuia duntaxat ingenia relinquentur. Quod fit vt & Parochi, & Aduocati, ac alij, qui Reipub. vel Ecclesiæ seruiunt, sint minus idonei.

Quinto, Quia Societatis homines nimis magnā auctoritatē per scholas acquirunt tum apud plebem, tum apud primarios quoque: quæ res possit periculum creare Principi, si in aliqua dissensione se plebi contra Principis mandata vel petitiones coniungerent.

Hæ ferē sunt rationes, quas ego à varijs audiui iactari, & exaggerari.

Contrarium tamen, Scholas Societatis Iesu non obesse, sed prodeſe plurimū tum Vniuersitatibus, tum maximē bono publico, multis rationibus clare demonstrari potest.

Primō, Quia illæ Vniuersitates maximē florent ^{societos} in quibū Societas docet: vt patet Muſſonti, Treſuiris, Colonie, Moguntiæ, Ingolſtadij, Greci, Flexiæ, Lugduni, Conimbricæ, alijsque locis, vbi cùm anteā paucissimi essent auditores, & omnia languerent, nunc per Societatis scholas Vniuersitates illæ abundant studioſorum numero, & omnibus disciplinis florent. Idem cernere est in Vniuersitate Duacensi.

Secundō, Plurimi occasione nostrarum scholarum animum ad studia litterarum appellunt, qui alioquin nunquam studiuerent: partim ob bonam disciplinam, quam in scholis nostris ipsis vel parentes corum vident, partim ob gratuitam institutionem. Ex his plurimi se postea ad Vniuersitates conferunt. Olim Antuerpiæ, Bruxelle, Traiecti, Gandavi, Cortraci, Valencenis, in S. Audomaro, alijsque magnis Oppidis, vix centeni, vel ut summū ducenti reperiebātur qui litteras Latinas degustarent: nunc 500, 600, 700, 800, reperiuntur qui Latinā, & Græcā literaturā insti-^{Auget ſu-}
^{diſforum}
^{ornat Vni-}
^{versitatem.}
tuuntur; aucto in quadruplum studioſorum numero. Ante scholas Societatis cùm istæ Prouinciae florarent, & ex Hollandia, Zelandia, Frisia, Geldria, Germania, Gallia studioſi libere huc conuenirent, non erant plures Philosophia studioſi, quā modō sunt, quādo ex illis locis non veniunt. Imò modō sunt longē plures connumeratis omnibus qui student Louanij & Duaci. Vnde dimidia pars Belgij dat modō plures Philosophia studioſos, quād olim totum Belgium cum Prouincijs vicinis. Olim enim non erant in vniuersum Philosophia studioſi (Logicis & Physicis computatis) ultra 500. vel 600. At modō in sola Vniuersitate Louaniensi quotannis non multo pauciores numerantur, quibus si iungamus eos qui Duaci Philosophia dant operam, reperientur ſupra mille, & ſep̄ ſupra mille ducentos. Quis vñquam in tam exigua Prouincia, & tam afflictis temporibus, vñquam terrarum vidit tantum Philosophia studioſum

Z iiiij ſorum

forum numerum? aut vbi terrarum in vna Vniuersitate reperiuntur 500, vel 600? Tam numerosæ iuuentutis, tantiq[ue] ad Philosophiam cursus alia non est causa, quām scholæ Societatis, quæ vbique studia excitarunt, quarumque opportunitate plurimi ad præclaras disciplinas animum adiecerunt. Ex quibus manifestum est, si numerū & cōcursum studiosæ iuuentutis spectemus, scholas Societatis bono publico & ipsis Vniuersitatibus plurimum profuisse.

I 5
Tractatio-
ne discipli-
narum il-
lustres.

Si vero disciplinarum tractationem, & iuuentutis in illis institutionem consideremus, apparet etiam hac ex parte scholas nostras bono publico & ipsis Vniuersitatibus nō parum contulisse. In litteris humanioribus à rudimentis ita instituuntur, vt quinquennio Latinâ & Grecâ literaturâ exculti, nos solum in vtrâque & carmine & prosâ, pro captu illius etatis, cum plurimorum admiratione excellant, sed etiam historiam Romanam ac Gracan, ceteraque quæ ad notitiam antiquitatis pertinent, addiscant: quorum pleraque antea in scholis erant penitus ignota. In Philosophicis biennio ita docentur & exercentur, vt sub finem cursus Theses difficillimas ex vniuersa Philosophia publicè cū laude tueri possint: quod antea nūquam in Belgicis Vniuersitatibus vspatum. Olim Metaphysica p̄cipua Philosophie pars non attingebatur: nunc accuratè omnes eius quæstiones traduntur. Conferuntur commentaria & dictata antiqua cum nouis, & exercitationes antiquæ cum exercitationibus Philosophicis huius temporis, & patebit quantum omnia sint cultiora, & meliora, aptiora q[ue] ad superiores disciplinas redditæ? In Theologicis olim erat vna lectio è Magistro Sententiæ, & vna S. Scripturæ, & vix duodecim annis cursus absoluebatur: pauca de controvrsijs huius temporis, vel de ijs quæ ad conscientiæ quæstiones, & Parochorum institutionem pertinent. Societas omnia hac studia excitauit, & compendiaria methodo coniunxit: nā quadriennio omnes materias Theologicas ita absolvit, vt sub finem illius spati, studiosi conclusiones ex vniuersa Theologia tam morali quām Speculariis publicè tueri possint: quod nunquam antea in Belgio factum. Casus conscientiæ & controvrsiarum cum subtilitate scholastica ita coniungit, vt Parochi abundè ad munus suum comparati, & ad congregendum cum hereticis instruci esse queant. His simul adiungit Scripturarum vtriusque Testamenti explicationem: adeò vt quatuor annorum spatio, qui bono sunt ingenio, & mediocrem adhibent diligentiam, possint assenti torius S. Theologiæ, hoc est, subtilitatem Scholasticarum, Casuum cōscientiæ, Scripturarū, & Controvrsiarum insignem notitiam. Rogatos velim eos qui olim h[ab]e in Vniuersitate 12. vel 15. annis studuerunt, vt secum perpendant, vtrū tales conclusiones ex vniuersa Theologia, quales modo quarto anno cursus Theologicæ apud nos defenduntur, multi eoru[m] propugnare potuissent? Possent hac de re plura dici, sed fileo, & equis ludi, qui vtraq[ue] videre, consideranda relinquo. Hi iudicent vtra ratio docendi, & tradendi disciplinas magis sit ex vsu publico, & Vniuersitatum bono, illanc quæ olim fuit, an ea quæ per Societatem inducta.

16

Si consideremus disciplinam morum, & instructionem in ijs quæ ad Religionem, Pietatem,

Timorem Domini, & morum honestatem pertinet; nemo negare potest quin Societas scholæ Religio nam singu-
lariter doreta. In re potissimum excellant. Idcirco enim adeò exofæ hæreticis, quia in ijs iaciuntur solida Religionis catholica fundamenta, & iuuenum ani-
mi aduersus hæreses muniuntur, patescat hæreticorum tropis. Ob hanc enim potissimum causam Societas litteras humaniores & prophanas disciplinas tradit, vt ea occasione iuuentutem in ijs quæ Religionem, morum probitatem, & salutem concernunt, informet. Itaque p̄cipua cura & studium Societas est, vt iuuentus in his maximè proficiat. In eum finem docetur exactè Catechismus, explicantur mysteria fidei Christianæ, declarantur & refutantur hereticorum errores: instituuntur sodalitia B. Virginis, habentur crebræ exhortationes, confitentur singulis mensibus, & plerique etiam sacerdos. Denique ad Christianam pietatem, & ad peccatorum, quibus illa etas obnoxia, fugam, & ad omnem modestiam, quā diligenter instituuntur. Quantum autem hinc boni proueniat, astimari non potest. Hac enim ratione catholica Religio iam fugiens & exofescens, vt cunque retinetur, & hæreses flamma quæ omnia absumpta videbatur, sstitutur, & Republica viris probis & Catholicis repletur. Hinc catholici & fideles Aduocati, Magistratus, Consiliarij, ac locorum Gubernatores. Qui enim ab iuente etate in vera Religione & Domini timore probè educati sunt, plerumque retinent hoc bonum per totam vitam; & si Republica admouetur, iuste & Christianè cum maximo Republicæ bono munus suum obeunt. Nihil est quod maiorem vim vel ad bonum vel ad malum habeat, quā prima illa institutio. Vnde Scriptura Proverb. 22. *Proverb.* Adolescens iuxta viam suam, etiam cùm senuerit, non recederet ab eā. & Aristoteles lib. 2. Ethicorum c. 1. Non parum resert, sed permultam, vtrum sic, an sic, à pueris affuescamus; immo vero totum in eo possumus est. Itaque cùm totum bonum Religionis & Republicæ pendeat ab institutione iuuentutis, meritò hæc summi momenti ducenda est, & omni diligentia & industria procuranda. Vnde schola illæ, in quibus ea ex professio & omni conatu præstatur, non parui ducenda, neque secularium scholis in quibus ea minùs curatur, postponenda. Ob hanc causam Philippo II. Regi Catholico glor. mem. valde curæ sicut ut Societas vbiique, & præsertim in oppidis recens subiectis, scholas haberet, eamq[ue] propagarem Principi Parmensi commendauit. Videbat utit prudentissimus Princeps difficile esse inueteratos in heresi animos conuertere, & ad obedientiam Ecclesiæ, siquic[ue] Principis legitimi reuocare: ac proinde à iuuentute, quæ nondum corrupta esset, incipendum; atque in ea fundamentum boni statutus Republicæ Religionis collocandum. Huic prudentissimo consilio respondit euentus. Plurimi enim nunc per ciuitates longè aliter in Religionem & suum Principem animati, quā primis illis temporibus, quando altaria & imagines frangabantur. Denique quām accurata in Icholæ nostris Christianæ pietatis sit institutio, & quantum vim in animis ea habeat, non solum ex crebro Sacramentorum usu, & eorum modestia, morumque honestate, sed etiam ex multitudine eorum qui ex nostris scholis ad varios Religiosorum Ordines in illo etatis lubrico se conferunt, perspicere licet: adeò vt vix sit vnum monasterium, in quo non

non plurimi insignes Religiosi ex scholis Societatis reperiantur. quaque ratione factum est, vt omnes fratres Ordines in Belgio & numero, & disciplina, & eruditione non parum reformarint, cum maximo Ecclesia & Reipub. bono. Nihil enim Reipublicæ salutarius, nihil ad eam tuendam & conferuandam in columem efficacius, quam si plurimos habeat pietate & doctrina insignes, qui suis precibus & bonis operibus eam communiant, & suâ doctrinâ vitaque exemplo ad Christianè viuendum existent.

17
Forma
scholarum
Societatis

Denique consideranda est scholarum forma, & Magistrorum conditio. Classes studiosorum non sunt confusa & permixta, vt olim pastum parum decorè vistatum; sed distinctæ per varia loca, ita ut singulæ suam scholam habeant, nec alia aliam disputando & respondendo perturbet ac impeditiat. Singulæ suum habent Magistrum, qui totus in eam formandam incumbit. Singulæ classes distinctæ per decurias, inter quas aliud concordatio. Ad studia excitantur nō plagiis seruili modo, sed laude & munusculis, vt decent ingenuos & charissimos filios. Vnde nō intuentur Preceptorē tanquam seuerum censem, vt plerumq; fieri solet; sed amant vt patrem, & libenter cum illo ac familiariter colloquuntur. Quanto autem sint efficacia illa incitamenta, quam virgæ & plage, iam longa probata experientia. Denique tota ratio exercitationum & lectionum per horas, semihoras & quadrantes accuratè est definita & prescripta in singulis classibus; à qua prescriptione fas Magistro non est suo arbitrio recedere. Quod fit vt omnia rato tenore procedant, & omnis confusio in tanta discipulorum, lectionum & exercitationum multitudine viteatur.

18
Magistro-
rum So-
cietatis
quoniam
conditiones

Quod ad Magistrorum conditionem attinet, multa considerari possunt, quæ alibi non reperiuntur. Primo, quod ex proprio instituto sui Ordinis, & vocatione diuinâ Societas nostra ad munus docendi est comparata. Vnde non est dubitandum, quin Deus peculiariter auxilio & prouidentia adsit & dirigat vt hoc munus quam optimè præstet, & prosperos successus habeat. Deus enim cuique Ordini peculiarem largitur gratiam, & opem, ad multis propriæ vocationis dignè & fructuose obendum. Et hec est præcipua causa tantorum successuum in scholis nostris, nimis rursum Domini benedictio, quæ & Magistros illuminat, & animos excitat, & conatus adiuuat; & discipulos dociles, morigeros, ac amantes suorum Magistrorum ac studiorum efficit. Seculares vero Magistri non ita ad munus docendi sunt vocati. Sed plerique sese ad hoc lucri, aut beneficiorum Ecclesiasticorum spe applicant; & cum id quod petebant consecuti fuerint, deserunt: vnde mirum non est si similem Dei opem & tantos successus non habent.

2. Solo Dei
temporali la-
borum sub-
sunt

Secundo, quod nulla spe lucrī temporalis, officij, beneficij, vel dignitatis consequendæ doceant; sed solo desiderio glorie Dei & salutis proximi, simplici victu & vestitu contenti, qui nulli seculari Magistro satis esset. Plerisque secularium Magistrorum 400. 500. 600. floreni in annos singulos, imò multis etiam 1000. satis nō sunt, beneficia & pensiones suis stipendijs addepd: nec inuidemus: quia viri eruditæ etiam pluribus digni sunt, modò bene vtantur. Professoribus Societatis in singula capita, 200. floreni sufficiunt ad victu,

vestitum, libros, cæteraque omnia. Nemo coniectoribus suis tam exiguo pretio omnia necessaria suppeditaverit. Et sanè nisi magna parsimonia & industria adhiberetur, quantumvis viuamus in communi, nullo modo summa illa sufficeret, vt qui quis rei economicæ intelligens facile iudicare potest. Nos tamen eo modulo contenti essemus, si ad eum pertingere daretur: verū longè absimus, cùm in multis Collegijs viii 100. annuos in singula capita habeamus.

Itaque cùm Societas nihil temporale in munere docendi querat, sed tantum Dei gloriam, & adolescentum, qui filii sunt Dei, salutem fit, vt hoc munus non perfundorè, sed magna sinceritate, & diligentia præstet, & maximè cordi habeat. Inter famulos qui eidem domino seruunt, nulli bonum domini magis cordi habent, aut fidelius seruunt, quam qui non sui commodi causâ, sed fidelius domini amore, illius duntaxat commodum & honorem spectantes seruunt.

Tertiò, Quod plurimis impedimentis, quibus 3. Liberi
alij detinentur & impeditiuntur, nostri Professores ^{funt ab im-}
^{pedimentis.} sint expediti. Non enim sibi victum, vestitum, li-

bros, aliaque necessaria curare debent: sed hæc omnia illis Superiorum vigilantia procurat. Liberi etiam sunt à convuijs, litibus, curis beneficiorum, & ab alijs occupationibus, quibus animus distrahitur, & plurimū à studijs atocatur, & professio disciplinarum obiter & perfundorè ^{ex-}penumerò peragitur. Itaque cùm nostri his omnibus impedimentis sint soluti; integras ingenij vires ad studia conferunt, & duplo vel triplo plus temporis eis impendere possunt, quam plerique magistri sacerulares. Neque his quidquā derrahunt statuæ preces, & quotidiane rerum diuinarum meditationes: quia his maximè mens humana ad sublimum rerum cognitionem illuſtratur, & apta redditur. Plerique sanctorum Patrum plus oratione & meditatione, quam multâ librorum lectione profecerunt; quamvis etiam hac in re <sup>4. Habent
adminicu-
lum doc-
dum apie-
fima.</sup> Societas sacerularibus non cedat; sed fortasse non parum etiam superat, quod & alijs iudicandum relinquo, & ex plurimis libris excusis cognosci potest.

Quarto, quod multa adminicula habent quibus alij carent. Nam primò, Qui litteras humaniores docturi sunt, plerique per multos menses accuratè ad hoc instruuntur in seminario formandis magistris peculiariter instituto. Secundò, Qui Philosophiam, non solum in Philosophicis probè sunt versati, sed etiam Theologica studia (quibus cognitio Philosophica mirè iuvatur & perficitur) plerumque absoluerunt. Tertiò, Omnes nostri Professores habent suas regulas, quibus tota docendi ratio & modus exercitationum scholasticarum accuratè præscribitur, à quibus non possunt pro arbitrio recedere. Quartò, Habent Superiorum vigilantiam quæ omnibus superintendent, & regulas seruari curant; & si quid minus rectè processerit, statim emendant. Quintò, Praefectus studiorum assidue circumfit, & omnia inspicit, vt iuxta regularum præscriptum peragantur, omnibusque suo probè fungantur officio. Denique datur opera vt Professores ab omnibus alijs oneribus & curis, quæ munus professionis & instituenda iuuentutis impedit aut retardare possent, sint exempti. Omitto crebras Professorum cum Praefecto consultationes de discipulorum tum in mo-

ribus,

ribus, tum in disciplinis profectu, & variis ad hoc excoigitatas industrias laudum, præmiorum, motionum, disputationum, examinum. Omitto crebra cum illis colloquia, quibus studiosi ad studia & pietatem excitantur.

¹⁹ Ex quibus pater, si Professorum Societatis conditionem spectemus, quatuor in illis reperiuntur, que non reperiuntur in alijs. Primo, quod ex sua vocatione & instituto ad munus docendi etiam perpetuò, si Superiori viderit, sint comparati. Secundo, quod nulla temporali mercede, sed solo Dei & proximi amore doceant, nihil aliud quam profectum discipulorum querentes. Tertio, quod plurimis impedimentis, quibus seculares distrahuntur, sint exempti. Quartò, quod optimis ad munus docendi præsidij sint instruti; & optimè in eo directionem habeant. Hæc cùm ita sint, mirum non est, si nostræ scholæ florent, & ad illas magnus fiat ubique concursus, nostrique discipli breui spatio magnos progressus faciant. Ex quibus estimare quilibet poterit quantum scholæ nostræ Reipubl. & Ecclesia contulerint. Nec refert, quod scholæ secularium Professorū modò passim melius se habeant, quām olim: id enim amulatio ne nostrorū factum, nemo non intelligit. Nihil hac emulatione inter Professores ad studia excitanda utilius: sine hac statim omnia in pristinum languorem reciderent.

Henricus IV. ob scholas revocari Societatem in Galliam.

Hæc cùm perpendret Henricus I V. Galliae Rex, tanti scholas nostras fecit, vt earum causâ potissimum Societatem in Galliam reuocarit, & in maioribus oppidis Collegia & scholas habere voluerit, vt iuuentus Gallica ab ea instituaretur. Cùm enim Societas expulsa esset, nullis edictis cōtineri iuuentus potuit, quin relicta patria scholas Societatis frequenterat; adeò vt Duaci in nostro Collegio supra 500. vel 600. nationis Gallicæ (inter quos plurimi nobiles) aliquot annis numerati fuerint.

²⁰ *Responsio ad argu mēta num. 13. proposita*

Nunc veniamus ad argumenta Aduersariorū. Ad Primum, & Secundum: Respondeo Primo, Si munus docendi esset quædam nundinatio doctrinæ ad quæstum & priuatam utilitatem, vel ad honorem & famam Magistrorum instituta, obiectio illa fortasse aliquem colorem haberet. Verum cùm bonum publicum & institutio iuuentutis in litteris ac pietate hic queratur, si melius vel certè commodius id præstat in scholis societatis, parui videtur faciendum, quod aliqui Professores seculares pauciores auditores habeant. Id enim paucorum est incommodum, cui, tantum bonum meritò præponderat.

Respondeo Secundò, eris multi ad scholas societatis confluant, ceteri tamen Professores tam Louanijs, quām Duaci non destruuntur honesto auditorio, adeò vt modò etiam Louanijs ferè tot habeant, quot olim ante annos 40. Neque modica ab his emolumenta percipiunt, vt quæ 400, 500, 600 florenos dicantur excedere: imò quibusdam supra victum & amictum quotannis tantum superest, vt paucorum annorum decursu sumpitus Licentia & Doctoratus facilè tolereret, ad quos supra 1200. vel 1500. florenos opus est. Taceo de didæctris, & alijs sumptibus plurimū auctis. Quando Professores sunt diligentes & assidui in professionis munere, & bonam seruant disciplinam, nunquam defit discipulorum copia, vt experientia pluri mis iam annis ostendit,

Ad Tertium: Fateor ad honorem Principis & bonum publicum pertinere, vt habeat Professores celebres & eximios, qui nominis sui & doctrinæ ac disciplinæ famâ possint vnde iuuentutem allicer. At huic rei impedimento non est Societas, sed maximo adiumento; vt que omnia studia excitari, & ad accuratiorem disciplinarum scrutationem & tractationem suo exemplo præixerit. Conferant antiqua commentaria & exercitia cum nouis, & magna cernetur discrepantia. Deinde non minùs ad honorem Principis & bonum publicum pertinet, vt scholæ Societatis florent, & præclaros Professores habeant: tum, *Gloria Scholarum Societatis*

redundat in Pria cipem.

qui Societas ex instituto sui Ordinis ad docendum est mancipata, & Reipublicæ ad hoc se adstringit; eique & Principi in eo inferuit non minus, quām seculares Magistri, qui pro suo arbitrio id munus capessunt & deponunt: tum, qui docent, & qui docent in scholis Societatis, non minus sunt subditi Principis, & Reipublicæ Belgicæ ciues, quām in scholis aliorum Magistrorum: tum, quia institutio in scholis nostris non minus est accurata, imò in religione & moribus si communi hominum iudicio credimus (vt de disciplinis nihil dicam) multò accuratior. Solùm in eo est discrimen, quod Professores Societatis solo vieti & vestitu contenti, solius Dei amore, & desiderio profectus iuuentutis doceant, nec vla stipendia à Principe, Republica, vel iuuentute expectent. Seculares verò Magistri ampla stipendia, beneficia, ac dignitates sibi propositas habeant. An idcirco minorem fauorem Societatis scholæ merentur, aut minus Principi & Reipubl. curæ esse debet quod societas gratis huic muneri vacet, ceteri stipendia, beneficia, & honores expectent?

In Gallia in iuriuram faciunt tam Reipubl. quām Societas, qui ita de scholis Societatis loquuntur, ac si bono publico non essent instituta, sed ei potius officiant. Quasi bonum publicum in eo situm sit, vt scholæ Magistrorum secularium in Vniuersitatibus magnostudiosorum numero abundant. *In Gallia florent Societatis schola.*

Sanè in Gallia regno plusquam 20. locis in scholis Societatis, petente Rege & Prouinciarum Rectori bus, Philosophia traditur, vt non opus sit ciuibus eam ob causam ad Vniuersitates liberos suos cum ingenti sumptu & periculo corruptelè mittere. Qua commoditate oblatâ tota ferè nobilitas Gallica Philosophiâ suos filios excoli cupit; quod in magnum illius regni cedit ornamentum: fuit enim hac ratione ad omnia Reipubl. munia longè aptiores: Nihil est quod aquæ ingenia acut & aperiat. Nihilominus Vniuersitates sat multos habent auditores: Nam plerique qui Philosophiam extra Vniuersitates audiuerunt, pulchritudine disciplinarum capti conferunt se postea ad Vniuersitates, vt Superioribus disciplinis dent operâ, qui aliqui nunquam ad Vniuersitates fuissebant. Hoc tamen vt in Belgio fiat, non ago. Solùm volo ostendere bonum publicum non esse in eo situm vt Vniuersitates maxima multitudine adolescentium in scholis secularium Magistrorum abundant.

Ad Quartum: Fatemur quotannis ferè aliquot ex discipulis se nostro Ordini addicere, sed triplo plures ad alios Ordines transeunt. Neque id in detrimentis Reipubl. sed in benedictionibus deputandum: quia Deus per tales disponit Reipublicæ benefacere. Si enim Reipubl. bonum est ingressum habere

habere multos cives, qui chari sunt Principi & familiares, per quos multa impetrari a Principe queant; multo magis bonum est habere multis cives, qui sunt chari Deo summo Principi (a cuius prouidentia tota Reipubl. prosperitas pendet) & multa ab eo in salute Reipubl. impetrare possint. Nella re magis Respubl. firmatur, quam Religiose, & Religiosorum virorum precibus & meritis, ut prater alios, multis locis Iustinianus testatur, & omnes p[ro]p[ri]e Princeps semper fenserant. Parum Christianum est, damnum Reipubl. ducere, quod insignes adolescentes seculo deserto Christi vestigia sequantur, & ad Societatem, vel aliam Religionem se conferant. Cum Mauritius Imperator ad instaurandum exercitum Romanum bellis Persicis valde attritum lege sanxit, Ne quis ante militiam expletar[em] ad Religionem transiret, S. Gregorius se illi opposuit, impium, Deoque contraria legem esse dicitans, vt conflat ex Epist. 61. lib. 2. Quanto magis impium, Deoque aduersum sensisset impedire ne adolescentes in illo artatis lubrico & salutis periculis, se Christo addicant? Denique sepissime sit vt qui in seculo Reipubl. & Ecclesie fuisse parum viles; vel etiam noxiis morum licentia, vel opum ac honorum studio, in Religione sint utilissimi. Imo in Societate omne studiu omnisque industria in eo versatur, vt quam plurimum boni in Reipubl. & Ecclesia suis ministerijs quaque prestat.

Doctorum
nunc plena
omnia.

Quod ad Parochos attinet, nunquam maior doctorum & praestantium Parochorum in Ecclesia copia, nunquam magis instructi ad hoc munus accesserunt. Testantur id multi Episcopi, qui discrimen quorundam antiquorum, & nouorum considerant. Olim nihil ferè aut parum de conscientie casibus plerique nouerant. Vnde & modo reperiuntur varijs locis, qui neque de censuris, neque de distinctione peccati mortalis, & venialis, neque de contractuum iustitia & limitibus, aliquis ad hoc munus pertinentibus, vel mediocriter sunt instructi. Pari modo Curia plene sunt doctoris Aduocatis, & Consiliarijs, & vbiique magnus doctorum virorum numerus.

Quod si Societas in varijs disciplinis videatur aliquid amplius praestare quam multi seculares, huius rei causa non tam est ingenij excellitia, quam assiduum studium, & vacuitas ab alijs occupationibus & distractionibus, & gratia propria vocationis: quibus rebus fit ut duplo vel triplo plus temporis ad studia conserre possint, quam seculares qui plurimis curis distrahitur, & Deus conatus eorum, quos ad hoc munus vocat, peculiari gratia aspirat.

Ad Quintum: Optandum Principi & Reipublicæ moderatoribus bonum publicum quærentibus, vt & Clerus & Religiosi Ordines multum auctoritatis apud plebem habeant. Hæc enim auctoritatis maximam vim habet ad plebem in Religione & obedientia Principis retinendam: Nusquam maior tranquillitas aut Reipubl. prosperitas, quam vbi magna est plebis erga Clericos & Religiosos ordines reuerentia. Quod ad Societatem attinet, mirum est eam posse in suspicionem conspirationis aduersus Principem vocari: cum sua fidelitatis difficultissimus temporibus tam illustre documentum dederit. Cum enim tempore rebellionis & seculares & Ecclesiastici, & plerique ex varijs Ordinibus religiosi, & multi ex Uni-

versitatibus, iuramentum contra Principem suscepissent, nemo ex Societate illud unquam admisit, eti[am] bonorum omnium iactuam, cæctionem in exilium aduersari minarentur, & magnum vitæ periculum impenderet. Si illis temporibus cum tanta impenderent pericula, & communis error excusationem aliquam perfidie poterat praetextare, & capita Religionis ac Reipubl. suo exemplo presenti, Societas in fide sui Principis perflit, quæ ratione suspecta reddi potest extra pericula, & vbi nulla perfidiae foret excusatio, sed labes manifesta & æterna? Qui in maximis Fidelis fuit, non dubitandum quin etiam in minimis talis sit futurus.

Denique considerentur illi qui Societati sunt addicti, eamque magni faciunt; & reprehendetur eos maximè & Religioni Catholicæ, & Principi sui obsequio esse addictos: quales si multi fuissent primis illis rebellionis temporibus, cum imagines disturbarentur; credibile est totum illud malum, facile fuisse impediendum: quo impedito nunquam calamitates illæ, quæ inde secuta, Patriæ obuenissent.

Hec sicut à me sincere ex conscientiæ iudicio coram Deo, & in timore Domini scripta sunt, ut obrectatoribus scholarum nostrarum responderi queat; ita velim à lectore accipi: quem rogo vt singula diligenter examinet, & tanquam coram diuino tribunal constitutus sincerè iudicet, & sententiam ferat.

SOCIETAS OFFICIO- RVM ROMÆ.

CASVS VNIVRS.

*Vtrum Societas officiorum, prout Roma
iniri solet, sit licita?*

N Otandum est, Romæ esse varia officia quæ varijs modis vendi solent, vt officium Notarii, Cursoris, & simili.

Tripletter
institutus
Societatum.
1. Modus.

Primus modus est, Petrus volens emere officium Notarii, quod vendi solet ad vitam 20. milibus aurorum, cum solùm 10. millia habeat, adsciscit Paulum in societatem emptionis, sumens ab eo alia 10. millia: & sic comparat illud officium in commodum vtriusque pro ratâ pecunia collata. Ipse tamen manet primarius possessor & administrator officij, solumque soluit alteri 12. in centum quotannis. Hæc enim pensio ordinariæ est constituta in huiusmodi officiorū societate. Hac tamen lege, vt si Paulus moriatur ante Petrum, Petrus non teneatur illi aut hæredibus restituere pretium 10. millium, quod Paulus contulerat; sed Paulus illud amittat. Si vero Petrus ante moriatur, teneatur Paulo pretium restituere. Atque hic est primus modus incundæ istius societatis.

Secundus modus est, cùm Petrus totum officium sibi comparat suis pecunij, & postea admittit Paulum in societatem eiusdem officij; accepto ab illo pretio dimidiato, vel tertia aut quarta torius pretij parte.

Tertius modus est, cùm miscetur tertia perso- 3. Modus.
na, v. g. Iacobus: quod sic usurpat. Iacobus egens summa 5000. aureorum, adit aliquem, v. g. Andream, vt hanc pecuniam mediante societatis contractu sibi comparet; quod vt fiat, vterque adit